

POZIV

za

PETU JAVNU DEBATU

- GODINU DANA POSLIJE -

„Počinioci i žrtve krivičnih djela su naša djeca - Spriječimo maloljetničko prestupništvo“

Nakon poraznih rezultata realiziranih aktivnosti u protekloj godini na suzbijanju maloljetničkog prestupništva, što smo mogli čuti na četvrtoj javnoj debati, Centar za kulturu dijaloga organizira, po dogovoru sa učesnicima četvrte javne debate, petu javnu debatu **06. 05. 2009. godine (srijeda): „GODINU DANA POSLIJE – POČINIOCI KRIVIČNIH DJELA SU NAŠA DJECA – SPRIJEČIMO MALOLJETNIČKO PRESTUPNIŠTVO“**. Debata će biti održana u prostorijama UNITIC-a, prvi sprat sa početkom u 10.00 h. Cilj debate je monitoring realiziranih – obećanih aktivnosti vladinih, nevladinih institucija i organizacija na suzbijanju maloljetničkog prestupništva u protekloj godini i periodu od četvrte do pete javne debate.

Želimo istaći da debatom organizator ne želi naprosto denuncirati ni jednu instancu vlasti ili nevladin sektor, već isključivo uspostaviti odgovornu, vidljivu i svima dostupnu suradnju između institucija vlasti i građana. Putem argumentiranog dijaloga i javnog izvještavanja o aktivnostima vlasti o konkretnim akcijama želimo postići cilj: „**siguran i miran život građana**“, „**odgovorna i efikasna vlast**“ i „**odgovorna vlast – odgovorni građani**“. S tim u vezi, a u skladu sa brojnim akcionim planovima, zaključcima, saopćenjima i preporukama nastalim u periodu 15.02.2008. – 05.05.2009. godine, od prve – do pete javne debate, peta javna debata će, isključivo, biti zasnovana na realizaciji planova i njihovom provođenju spomenutom periodu.

U okviru pete javne debate rasprava će obuhvatiti slijedeće oblasti:

PRAVOSUĐE (Ministarstvo pravde FBiH):

- U kojoj fazi parlamentarne procedure je donošenje izmjena Zakona o izvršenju krivičnih sankcija FBiH, da li postoje izmjene i koje su konkretno izmjene?
- Da li je izuzet Zakon o Zavodima iz paketa zakona o socijalnoj zaštiti koji nisu regulirani?
- U kojoj fazi parlamentarne procedure je donošenje Zakona o maloljetničkom prestupništvu?
- Da li je usvojen Nacrt zakona o maloljetnim počiniocima krivičnih djela?
- Da li je izmijenjen Krivični zakon i Zakon o krivičnom postupku, a što je obećano na prvoj javnoj debati?
- Da li je poboljšana suradnja između MUP-a i pravosuđa?
- Da li je otvoren zatvor za maloljetnike - Orašje?
- Što učiniti sa maloljetnim prestupnicima - povratnicima u izvršenju krivičnih djela?
- Da li su postojeći zakoni i strategije o maloljetničkom prestupništvu samo „mrtvo slovo“ na papiru?
- Da li su promijenjeni uslovi rada Zavoda Hum?
- Da li su popunjeni kapaciteti Centra za maloljetnike prestupnike u Vogošći?
- Da li su otvoreni novi Centri za smještaj maloljetnih osoba?

BEZBIJEDNOST (Ministarstvo unutrašnjih poslova Kantona Sarajevo, Ministarstvo unutrašnjih poslova FBiH, Ministarstvo sigurnosti Bosne i Hercegovine):

- Što podrazumijeva program i akcioni plan koji provodi Ministarstvo sigurnosti BiH na polju maloljetničkog prestupništva?
- Da li je poboljšana suradnja između MUP-a i pravosuđa?
- Što učiniti sa maloljetnim prestupnicima - povratnicima u izvršenju krivičnih djela?
- Kako povećati odgovornost medija prema informacijama koje se odnose na kriminalne grupe i kriminalno općenito u cilju smanjenja afirmiranja ovih pojava?
- Da li se bilježi broj prijava nakon 23.00 h i koji je broj tih prijava u odnosu na broj krivičnih djela u toku dana?
- Da li se broj prijava koje se odnose na maloljetne prekršioce zakona smanjio?

OBRAZOVANJE (Ministarstvo obrazovanja i nauke Kantona Sarajevo, Ministarstvo obrazovanja i nauke FBiH):

- Da li su obezbijeđena sredstva za vannastavne aktivnosti i škole otvorene besplatno za učenike subotom i nedjeljom?
- Da li centri za maloljetnike služe svojoj svrsi?
- Postoji li specijalizovani tim psihologa za rad sa maloljetnim prestupnicima?
- Da li se aktivnosti koje se odnose na prevenciju maloljetničkog prestupništva primjenjuju u školama?
- Šta se kvantitativno i kvalitativno promijenilo od usvajanja Strategije do danas u školama?
- Koji su rezultati realizacije «Akcionog plana prevencije u Kantonu Sarajevo u segmentu odgoja i obrazovanja» usvojenog na sastanku direktora i pedagoga Kantona Sarajevo održanom 14.2.2008. godine u Katoličkom školskom centru „Sv. Josip“ u Sarajevu, a na prijedlog Ministarstva obrazovanja i nauke KS?
- Da li postoje primjeri pozitivne preventivne prakse?
- Da li su raspisani konkursi za nove projekte sa pojačanim aktivnostima na prevenciji maloljetničkog prestupništva?

NEVLADINE ORGANIZACIJE:

- Što su nevladine organizacije uradile na suzbijanju maloljetničkog prestupništva?!
- Da li i ko finansira projekte nevladinih organizacija u vezi sa maloljetničkim prestupništvom, kako se ta sredstva troše, te koji su rezultati postignuti?
- Sa kojim vladinim institucijama nevladine organizacije surađuju na polju maloljetničkog prestupništva i koji su primjeri pozitivne prakse?

MINISTARSTVO LJUDSKIH PRAVA I IZBJEGLICA BiH – KOORDINACIJSKO TIJELO ZA IMPLEMENTACIJU STRATEGIJE PROTIV MALOLJETNIČKOG PRESTUPNIŠTVA:

- Koji su postignuti rezultati u sprovedbi Strategije protiv maloljetničkog prestupništva?
- Da li su objavljeni rezultati javnog poziva za nevladine organizacije u BiH (objavljen u Dnevnom Avazu 28.11.2008. godine) u svrhu efikasnije i potpunije realizacije Strategije protiv maloljetničkog prestupništva za BiH?
- U kojoj fazi je procedura uspostavljanja *Vijeća za dijete* koje je trebalo biti ponovo uspostavljeno pri Ministarstvu za ljudska prava?
- Da li su raspisani konkursi za nove projekte sa pojačanim aktivnostima na prevenciji maloljetničkog prestupništva?

VLADA KANTONA SARAJEVO:

- Da li su pooštrene zakonske mjere za počiniocima krivičnih djela na nivou Kantona Sarajevo?
- Da li su uspostavljene komisije za pitanja mladih pri općinskim vijećima, Gradu i Kantonu Sarajevo, a tamo gdje jesu da li je dat mnogo veći značaj uvezivanjem volonterskog rada i slobodnog vremena?
- Da li je Zavod za maloljetnike Hum planiran u budžetu KS za 2009. godinu i šta se značajno promijenilo u radu Zavoda od 6.2.2008. godine do danas?
- Da li je imenovan direktor Zavoda Hum?
- Da li su raspisani konkursi za nove projekte sa pojačanim aktivnostima na prevenciji maloljetničkog prestupništva (ukoliko jesu, koje NVO su pobijedile na konkursu)?

GRAD SARAJEVO:

- Koji su projekti odobreni u 2008. godini, kojim NVO, a odnose se na prevenciju maloljetničkog prestupništva i koji su prvi rezultati realizacije projekata?

MINISTARSTVO CIVILNIH POSLOVA:

- Koji su projekti odobreni u 2008. godini, kojim NVO, a odnose se na prevenciju maloljetničkog prestupništva i koji su prvi rezultati realizacije projekata?

Iz prethodno prikazanih tematskih oblasti vidljivo je da će debata biti podijeljena na sljedeće okvire: pravosuđe, bezbjednost, obrazovanje, uloga nevladinih organizacija i Ministarstva za ljudska prava i izbjeglice.

Ljubazno Vas molimo da vaše prisustvo potvrdite najkasnije do četvrtka 30.04.2009. godine na sljedeće brojeve telefona: **+387 33 203 668; 208 370**

Vrijeme predviđeno za prezentaciju je 10 minuta po oblasti, a za diskusiju fiksno po panelu 20 minuta. Također Vas molimo da materijal koji ćete prezentirati dostavite organizatoru 2 dana prije debate kako bismo ga mogli umnožiti. Ljubazno molimo da u ime vašeg ministarstva ili NVO delegirate jednu osobu koja će prezentirati dosadašnje rezultate i poteškoće sa kojima se suočavate.

Iskreno se nadam da ćete prepoznati značaj ove javne debate i Vašim prisustvom doprinijeti njenom kvalitetu i cilju, zbog svih mladih ljudi u BiH, zbog svih potencijalnih žrtava ove zemlje, ali i demokratskih načela i sigurnosti u BiH, jer ćemo samo aktivnim angažmanom djelovati na vlast, građane, NVO-e, pokazati da nismo zaboravili, da nam je stalo da izgradimo zdravo društvo i zaštitimo našu djecu i generacije koje dolaze. Ne smijemo zažmiriti, jer – „počinioci i žrtve krivičnih djela su naša djeca“!

Srdačno vas pozdravljam,

Sanja Vlasisavljević
Izvršna direktorica
Centar za kulturu dijaloga
Adresa: Augusta Brauna 6
Tel/ fax: +387 33 208 370
+387 33 203 668
WEB: www.ckd.edu.ba

Sarajevo, 21.04.2009. godine